


# Bab 4 Matematik

## Pengguna : Percukaian



### TUJUAN PERCUKAIAN

- Percukaian ialah satu proses hasil ( wang ) dikumpul daripada individu atau syarikat untuk digunakan dalam pembangunan negara dengan menyediakan pelbagai kemudahan ( misalnya pendidikan, kesihatan, keselamatan, kebajikan ) demi kesejahteraan semua rakyat



- Terdapat 4 tujuan percukaian :-

#### 1. SUMBER PENDAPATAN KERAJAAN

- Untuk mentadbir urus negara
- Untuk membiayai projek pembangunan negara
- Untuk mengagih semula ketidakseimbangan pendapatan dalam masyarakat

#### 2. ALAT PELAKSANAAN POLISI KERAJAAN

- Supaya polisi tersebut mendapat kesan yang lebih efektif
- Contoh : pelepasan cukai untuk rawatan ibu bapa untuk mewujudkan masyarakat penyayang
- Contoh : Cukai keuntungan Harta Tanah dikenakan apabila kerajaan ingin mengurangkan aktiviti pelaburan hartanah yang keterlaluan

#### 3. KAWALAN PENJUALAN ATAU PERKHIDMATAN

- Cukai boleh dikenakan pada sesuatu barangan atau perkhidmatan
- Ini adalah supaya rakyat dapat mengurangkan pembelian barangan atau penggunaan perkhidmatan tertentu
- Contoh : cukai rokok, cukai arak dan cukai perjudian

#### 4. ALAT KEWANGAN UNTUK MENSTABILKAN EKONOMI

- Pada keadaan tertentu, cukai merupakan satu daripada alat kewangan bagi kerajaan untuk menstabilkan ekonomi

- **HASIL CUKAI DIGUNAKAN UNTUK :-**
  - Pendidikan
  - Infrastruktur dan Kemudahan Awam
  - Pertanian dan perindustrian
  - Kesihatan
  - Keselamatan dan pertahanan negara
  - Kebajikan
  - Pembangunan

## JENIS PERCUKAIAN DAN KESAN PENGELAKAN CUKAI

### CUKAI PENDAPATAN

- Cukai yang dikenakan atas pendapatan yang diperoleh oleh seseorang individu bergaji atau sesebuah syarikat yang beroperasi di Malaysia
- Setiap individu yang bergaji dan syarikat yang memperoleh keuntungan dikehendaki mendaftar sebagai pendaftar cukai, mentaksirkan pendapatan tahunan dan membayar cukai pendapatan setiap tahun
- Laporkan semua pendapatan, pengecualian, potongan, pelepasan dan rebat dengan mengemukakan Borang Nyata Cukai Pendapatan (BNCP) sama ada melalui borang ataupun secara elektronik melalui Internet (ezHASIL)
- Sistem Taksiran Sendiri digunakan
- Pembayar cukai perlu taksir sendiri, simpan rekod dan seterusnya membayar cukai pada amaun tertentu

#### TAKSIR SENDIRI ( membuat sendiri pengiraan cukai pendapatan )

- Taksiran dilakukan untuk tahun sebelumnya, misalnya taksiran tahun 2019 dilakukan pada tahun 2020
- Tarikh akhir penghantaran borang taksiran BNCP dan pembayaran cukai untuk individu tidak menjalankan perniagaan (Borang BE) pada 30 April manakala individu yang menjalankan perniagaan (Borang B) pada 30 Jun

#### SIMPAN REKOD

- Semua dokumen seperti borang dan resit-resit asal perlu disimpan selama 7 tahun

#### BAYAR

- Pembayaran cukai boleh dibuat secara sekali gus kepada Lembaga Hasil Dalam Negeri (LHDN) ataupun melalui potongan cukai bulanan (PCB)

- **PIHAK YANG MENGUTIP CUKAI**
  - Lembaga Hasil Dalam Negeri ( LHDN )
- **KESAN PENGELAKAN CUKAI**

<b>PENGELAKAN CUKAI</b>	<b>HUKUMAN</b>	<b>PERUNDANGAN</b>
Tidak memaklumkan layak dikenakan cukai	Boleh dedenda RM200 hingga RM 20,000 atau dipenjarakan tidak melebihi 6 bulan atau kedua-duanya	Akta Cukai Pendapatan 1967 (Akta 53) Seksyen 112(1)
Tidak melaporkan pendapatan sebenar di dalam BNCP	Boleh dedenda RM 1000 hingga RM 10,000 dan penalti 200% atas cukai terkurang lapor	Akta Cukai Pendapatan 1967 (Akta 53) Seksyen 113 (a)
Memberikan maklumat tidak tepat mengenai tanggungan cukai sendiri atau orang lain	Boleh dedenda RM1000 hingga RM 10,000 dan 200% atas cukai terkurang lapor	Atas Cukai Pendapatan 1967 (Akta 53) Seksyen 113 (1)(b)
Sengaja mengelak cukai atau membantu orang lain mengelak cukai	Boleh dedenda RM 1000 hingga RM 20,000 atau dipenjarakan tidak melebihi 3 tahun atau kedua-duanya dan penalti 300% atas cukai terkurang lapor	Akta Cukai Pendapatan 1967 (Akta 53) Seksyen 114 (1)

## **CUKAI JALAN**

- Cukai yang dikenakan terhadap pengguna jalan raya yang memiliki kenderaan termasuk motorsikal dan kereta
- Pemilik kenderaan perlu membayar cukai jalan sebelum tarikh tamat tempoh cukai jalan
- Tarikh tersebut tercetak di atas resit cukai cukai jalan (Lesen Kenderaan Motor) yang wajib dilekatkan atau ditunjukkan pada kenderaan
- Kenderaan yang cukai jalan telah tempoh lebih daripada setahun perlu dihantar ke Puspakom untuk diperiksa
- Laporan pemeriksaan Puspakom dan bayaran cukai perlu dihantar ke Jabatan Pengangkutan Jalan (JPJ) untuk mengaktif balik cukai jalan
- Sekiranya cukai jalan tidak dibayar, kenderaan itu tidak dibenarkan untuk berada di atas jalan raya
- **PIHAK YANG MENGUTIP CUKAI**
  - Jabatan Pengangkutan Jalan ( JPJ )
- **KESAN PENGELAKAN CUKAI**

<b>PENGELAKAN CUKAI</b>	<b>HUKUMAN</b>	<b>PERUNDANGAN</b>
Menggunakan kenderaan tanpa membayar cukai jalan yang sah	Boleh dedenda tidak melebihi RM2000	Akta Pengangkutan Jalan 1987 (Akta 333) Seksyen 23 (1)

## CUKAI PINTU

- Cukai yang dikenakan kepada semua pegangan atau harta tanah ( rumah kediaman, perindustrian, bangunan komersial dan tanah kosong) untuk membiayai kos penyelenggaraan bandar seperti mengangkut sampah, membersihkan longkang dan sebagainya
- PIHAK YANG MENGUTIP
  - Pihak berkuasa tempatan iaitu majlis perbandaraan atau majlis daerah
- KESAN PENGELAKAN CUKAI

PENGELAKAN CUKAI	TINDAKAN	PERUNDANGAN
Bayaran cukai tidak dijelaskan dalam tempoh yang ditetapkan ( tunggakan)	Notis dalam Borang E akan dikeluarkan	Akta Kerajaan Tempatan 1976 ( Akta 171 ) Seksyen 147 dan 148
Masih gagal menjelaskan tunggakan dalam tempoh 15 hari selepas notis diserahkan	Waran tahanan dalam Borang F akan dikeluarkan dan harta mudah alih boleh disita	Akta Kerajaan Tempatan 1976 ( Akta 171 ) Seksyen 147 dan 148

## CUKAI TANAH

- Cukai yang dikenakan terhadap pemilik tanah pertanian, tanah perusahaan dan tanah bangunan
- Cukai ini ditafsirkan sebagai sewa bawah Seksyen 5 Kanun Tanah Negara 165
- PIHAK YANG MENGUTIP
  - Pihak berkuasa negeri iaitu Pejabat Tanah dan Galian
- KESAN PENGELAKAN CUKAI

PENGELAKAN CUKAI	TINDAKAN	PERUNDANGAN
Bayaran cukai tidak dijelaskan dalam tempoh yang ditetapkan	Notis tuntutan dalam Borang 6A akan dikeluarkan	Kanun Tanah Negara 1965 Seksyen 97
Masih gagal menjelaskan jumlah dituntut dalam tempoh dinyatakan dalam notis tuntutan	Tanah boleh dirampas atau dilucuthak	Kanun Tanah Negara 1965 Seksyen 100


## CUKAI JUALAN DAN PERKHIDMATAN

- Cukai Jualan dan Perkhidmatan mula dikuatkuasakan pada 1 September 2018, terdiri daripada 2 jenis iaitu cukai jualan dan cukai perkhidmatan
- Cukai jualan merupakan cukai yang dikenakan sekali sahaja atas pelbagai barangan bercukai pada peringkat pengeluaran atau pengimportan
- Cukai Perkhidmatan ialah cukai yang dikenakan terhadap pengguna yang menggunakan perkhidmatan bercukai tertentu seperti perkhidmatan hotel, insurans dan takaful, penyediaan makanan dan minuman, telekomunikasi, kad kredit dan sebagainya
- Pengeluar atau pengimport dengan nilai jualan barangan bercukai melebihi RM500,000 setahun perlu didaftarkan bawah Akta Cukai Jualan 2018

- Pembekal perkhidmatan dengan nilai perkhidmatan bercukai yang disediakan melebihi nilai ambang RM500,000 setahun dan pembekal perkhidmatan penyediaan makanan dan minuman dengan nilai perkhidmatan bercukai yang disediakan melebihi nilai ambang RM1,500,000 setahun, perlu didaftarkan bawah Akta Cukai Perkhidmatan 2018
- Pengutipan cukai ialah tanggungjawab pembekal perkhidmatan bagi pihak kerajaan
- Cukai perkhidmatan perlu dikutip daripada pelanggan iaitu penerima perkhidmatan
- Cukai perkhidmatan yang dikutip oleh pembekal perkhidmatan akan dibayar kepada kerajaan dalam tempoh masa tertentu
- PIHAK YANG MENGUTIP
  - Jabatan Kastam Diraja Malaysia (JKDM)
- KESAN PENGELAKAN CUKAI

PENGELAKAN CUKAI	HUKUMAN	PERUNDANGAN
Sengaja mengelak cukai atau membantu orang lain mengelak cukai	Kesalahan Pertama : boleh dedenda 10 kali ganda hingga 20 kali ganda amaun cukai jualan atau dipenjarakan tidak melebihi 5 tahun atau kedua-duanya	Akta Cukai Jualan 2018 (Akta 806) Seksyen 86 (1) dan 86 (2)
	Kesalahan kedua atau berikutnya: boleh dedenda 20 kali ganda hingga 40 kali ganda amaun cukai jualan atau dipenjarakan tidak melebihi 7 tahun atau kedua-duanya	
Amaun cukai yang dielakkan tidak dapat ditentukan	Boleh dedenda RM50,000 hingga RM500,000 atau dipenjarakan tidak melebihi 7 tahun atau kedua-duanya	Akta Cukai Jualan 2018 (Akta 806) Seksyen 86(3)
Pihak yang membantu dalam penyediaan penyata cukai yang kurang benar	Boleh dedenda RM2000 hingga RM 20,000 atau dipenjarakan tidak melebihi 3 tahun atau kedua-duanya	Akta Cukai Jualan 2018 (Akta 806) Seksyen 86(4)
Hukuman sama digariskan dalam Akta Cukai Perkhidmatan 2018 (Akta 807) Seksyen 71		

## MENGIRA CUKAI PENDAPATAN



## PENDAPATAN BERKUKAI

- Cukai pendapatan ialah individu yang perlu dibayar dikira berdasarkan pendapatan bercukai  
 = jumlah pendapatan tahunan – pengecualian cukai – pelepasan cukai

## JUMLAH PENDAPATAN TAHUNAN

- Jumlah pendapatan tahunan termasuk segala bentuk upah, gaji, bonus, dividen, faedah, sewa, royalti, premium dan sebagainya
- Namun, tidak semua pendapatan yang diterima daripada majikan perlu dikenakan cukai, contohnya elaun petrol atau perjalanan, subsidi-subsidi majikan seperti perumahan dan kenderaan, manfaat perubatan, Elaun Bantuan Sara Hidup (COLA), kerai dan lain-lain

## PENGECUALIAN CUKAI

- Pengecualian cukai merujuk kepada semua perbelanjaan peribadi dalam bentuk hadiah, derma, sumbangan kepada kerajaan atau pelbagai organisasi, contohnya perpustakaan negeri dan badan rawatan kesihatan
- Perbelanjaan tersebut boleh dikecualikan cukai tetapi tertakhluk kepada had tertentu
- Pengecualian cukai ini bertujuan untuk meningkatkan perkembangan kebudayaan, kesenian dan juga memupuk masyarakat penyayang

## PELEPASAN CUKAI

- Pelepasan cukai merujuk kepada perkara atau perbelanjaan bagi kepentingan persendirian atau ahli-ahli keluarga yang tidak dikenakan cukai pendapatan, antaranya caruman Kumpulan Wang Simpanan Pekerja (KWSP), rawatan perubatan dan yuran pengajian
- Jenis pelepasan cukai bergantung kepada dasar yang ditetapkan oleh kerajaan dan boleh berubah setiap tahun

## CUKAI PENDAPATAN

- Selepas pendapatan bercukai diperoleh, cukai pendapatan boleh ditentukan dengan merujuk jadual kadar cukai
- Kadar cukai ditetapkan oleh kerajaan dan boleh berubah mengikut polisi kerajaan pada belanjawan tahunan

## REBAT CUKAI

- Rebat cukai diberikan untuk mengurangkan cukai yang perlu dibayar
- Terdapat 2 jenis cukai, iaitu :
  - Rebat cukai sebanyak RM 400 akan diberikan kepada pembayar cukai sekiranya pendapatan bercukainya tidak melebihi RM35, 000, tertakhluk kepada perubahan semasa
  - Jumlah bayaran zakat atau fitrah oleh warganegara uag beragama Islam akan mendapat rebat cukai

## POTONGAN CUKAI BULANAN (PCB)

- PCB ialah potongan pendapatan (saraan) pekerja untuk bayaran cukai pendapatan tahunan semasa
- Jumlah potongan berdasarkan Jadual Potongan Cukai Bulanan atau Kaedah Pengiraan Berkomputer PCB yang disediakan oleh Lembaga Hasil Dalam Negeri (LHDN)

- Pembayaran cukai perlu membuat perbandingan antara jumlah PCB yang telah dipotong dengan cukai yang perlu dibayar :
  - Cukai yang perlu dibayar > PCB
    - $\text{Cukai} - \text{PCB} = \text{Bayaran cukai yang tidak mencukupi}$
    - Bayaran cukai yang tidak mencukupi perlu dijelaskan kepada LHDN
  - Cukai yang perlu dibayar < PCB
    - $\text{PCB} - \text{Cukai} = \text{Lebihan potongan}$
    - Lebihan potongan PCB akan dipulangkan oleh LHDN ke dalam akaun bank pembayar cukai

## TAFSIRAN CUKAI BERSAMA DAN TARSIRAN CUKAI TERLIBAT

- Untuk individu yang telah berkahwin, sistem taksiran cukai pendapatan membenarkan taksiran dibuat mengikuti satu daripada jenis taksiran

### TAKSIRAN CUKAI BERSAMA

- Taksiran yang dikeluarkan oleh suami (atau isteri)
- Pendapatan isteri (atau suami) akan dijumlahkan dengan pendapatan suami (atau isteri) semasa membuat taksiran

### TAKSIRAN CUKAI BERASINGAN

- Suami dan isteri masing-masing membuat taksiran secara berasingan

### MENGIRA CUKAI JALAN

- Cukai jalan yang dikenakan adalah berdasarkan kapasiti enjin kenderaan yang digunakan oleh pemiliknya
- Pada kebiasaannya, cukai jalan akan lebih tinggi bagi kenderaan yang lebih tinggi kapasiti enjinnya

### MENGIRA CUKAI PINTU

- Kadar cukai pintu ditetapkan oleh pihak berkuasa tempatan berdasarkan lokasi dan jenis hartanah
- Jumlah cukai yang perlu dibayar setiap tahun bergantung pada kadar cukai yang dikenakan atas nilai tahunan
- $\text{Jumlah cukai pintu} = \text{kadar cukai pintu} \times \text{nilai tahunan}$
- Nilai tahunan (atau taksiran tahunan) merupakan anggaran kasar sewa tahunan yang munasabah dan dijangka akan diperoleh dalam setahun daripada pegangan tertentu jika disewakan

## MENGIRA CUKAI TANAH

- Kadar cukai tanah ditetapkan oleh kerajaan negeri berdasarkan lokasi, saiz dan jenis tanah
- Jumlah cukai yang perlu dibayar setiap tahun bergantung pada kadar cukai tanah setiap unit keluasan atas jumlah keluasan tanah yang dimiliki
- Jumlah cukai tanah = kadar cukai tanah setiap unit keluasan x jumlah keluasan tanah

## MENGIRA CUKAI JUALAN DAN PERKHIDMATAN

- Kadar cukai jualan untuk barangan adalah berbeza, iaitu 5% , 10 % atau kadar-kadar lain bergantung pada barangan yang ditetapkan manakala kadar cukai perkhidmatan ialah 6 %
- Cukai perkhidmatan bagi setiap kad kredit ialah RM25 setahun

@icebearrawr

# NOTA